



FESTETAKO BANDOA

MARÍA LECUMBERRI BONILLA andreak, Barañaingo Udalaren Alkate-udalburu andreak ondokoa

EMATEN DU ADITZERA:

BARAÑAINGO FESTAK udalerrriaren eta bertara etorri ohi diren bisitari ororen alaitasunaren benetako isla izan daitezen, eta festa hauen ohiturei eta gizalegari eusteko asmoz, baina, betiere, festa hauek dituzten ezaugarriak direla-eta, behar bezain zorrotz jokatzuz, ALKATE-UDALBURUTZA honek honako xedapen hauek eman nahi ditu argitara, jende orok ezagutu eta bete ditzan:

UDAL ORDENANTZAK ETA BESTE ARAU BATZUK

- Ostalaritzako establezimendu guztiek begi-bistan paratu beharko dute prezioen zerrenda, erraz irakurtzeko moduan eta erakunde eskudunak sinatuta. Halaber, erreklamazio-prozedura bat izan beharko dute.
- Mahai, mahaitxo eta terrazetan emandako zerbitzuetan, derrigorrezkoa izanen da tiketa edo ordainagiria entregatzea, halako moldez non ordaindua izan ondoren baliogabetu beharko baita.
- Tabakoa edo horren produktuak saldu edo banatzeko legezko baimena duten establezimendu edo jardueretan, kartelak paratu beharko dituzte, jendaurrean ikusgai paratu ere, non adieraziko baitute debekaturik dagoela 18 urtetik beherakoei tabakoa saltzea.
- Udalaren akordio baten bidez arautuko dira festek iraun bitartean eremu publikoan saltzeko baimenak eta baldintzak.
- Salmenta mota horretarako xedatu denaren kontrako arau-haustea arau aplikagarriekin bat zehatuko dira, behin salgaiak badaezpada konfiskatu eta, beharrezkoa bada, saltzeko baimena kendu eta gero. Konfiskatutako salgaiak ez dira itzuliko, gutxienez ere, festak bukatzen ez diren bitartean.
- Erabat debekaturik dago kalez kale saltzen diren haurrendako puxikak gas deflagratzaileez betetzea, bai eta sute nahiz leherketa edo intoxikazio arriskua eragin ahal duten gasez ere.
- Iturri publikoak ezin izanen dira erabili, garbiketarako eta berezko dituzten xedeez besteko helburuetarako, eta debekaturik dago horien funtzionamendu-sistema eraldatzea.
- Udalei esleitu zaizkien eskumenen babespean, Festetan, hots, 2025eko ekainaren 25etik ekainaren 29ra bitartean (bi egun horiek barne), ixteko orduak eta, halakorik bada, ikuskizunak eta aisia-jarduerak amaitzekoa, goizaldeko 06:00ak izanen dira, taberna, kafetegi, jatetxe, taberna berezi, ikuskizun-kafetegi gisara jarduten duten establezimenduen kasuan eta baita Diskoteka eta Festa Aretoak ere –betiere 201/2002 Foru Dekretuaren 6.2.a). artikuluekin bat-, eta, edozein kasutan, bi orduko tartea utzi beharko da, bederen, itxi eta irekitzeko orduen artean, kasuan kasuko lokala eta, halakorik badu, hango terraza behar diren baldintzetan egon daitezen, higienari eta osasungintzari dagokien orotan. Ordutegi berean, eta auzotarren elkarbizitza hainbat hartuta, Udaltzainek bajeak edo bilguneak itxita daudela konprobatuko dute.

TRAFIKOA

Udaltzaingoak kasuan-kasuan egoki jotzen ahal dituen baldintza eta debekualdiak ezarri ahalko ditu, peñen, txarangen eta banden ibilbideak, festa-ekitaldiak edo suerta daitezkeen beste edozein egoera direla-eta.

APARKALEKUAK (BAIMENDUTAKO GUNEAK)

Ohiko tokiez gain, eta, betiere, dauden seinaleek edota Trafikoari, Ibilgailu Motordunen Zirkulazioari eta Bide-Segurtasunari buruzko Legeak eta horren ondoriozko arauak kontrarik adierazten ez duten bitartean, **ekainaren 25eko 20:00etatik ekainaren 30eko 08:00etara** bidezko izanen da autoak ilaran aparkatzea, honako tokietan: **ERDIKO ETORBIDEKO (marra gorria) ; BAITA 24 ORDUKO BERTAKOENTZAKO APARKALEKUAN ERE.**

Barañaingo festak direla eta, aldi baterako Aparkatze Murritzuko Eremua (AAME), ez da indarrean egonen aldi batean. Horrela, **2025eko ekainaren 25eko 21:00etatik hasi eta 2025eko uztailaren 4ko 10:00ak arte, murrizketarik gabe aparkatu daiteke.**

APARKATZEKO DEBEKUAK

- Debeku da, erabat, Barañaingo udal barrutiaren barrenean karabana edo etxe-ibilgailurik aparkatzea, baita kanpin-denda edo antzekorik paratzea ere, tokia eta betebeharrak aipatu beharko dituen baimen berezia izan gabe.
- Debeku da kamioi eta autobusik aparkatzea, udalbarruti osoan, tokia eta betebeharrak aipatu beharko dituen baimen berezia izan gabe.
- Ezin izanen da ezein motako ibilgailurik aparkatu, horretarako espresuki baimendurik ez dauden erdibitzaile edota berdeguneetan.
- Gaizki aparkaturiko ibilgailuei zehapena paratuko zaie, eta udal-garabiak erretiratuko ditu halakoak, betiere Trafikoari, Ibilgailu Motordunen Zirkulazioari eta Bide-Segurtasunari buruzko Legean, Zirkulazio Araudi Orokorrean eta dagokien Udal Ordenantzan ezarritako baldintza eta kasuekin bat.

ZEHAPENAK

Bando honetan eta aplikagarri diren gainerako arauetan xedaturikoa ez betetzea indarra duten legeek onartzen duten gogortasunik handienarekin zehatuko da, betiere kontuan harturik Festa hauetako inguruabarrak eta, horien artean, haietara jendetza handia elkartzen dela eta arriskuak ere metatu egin ohi direla.

AZKEN XEDAPENA

Alkatetza honek espero du barañaindar eta bisitarien gizatasunez jokatu dutela, eta lagunduko dutela, Barañaingo Festak giro onean ospa daitezen.

GOZA DEZAGUN FESTEKIN, BEHAR DEN ARDURA GEURE GAIN HARTUTA

Barañáin, 2025eko ekainaren 23a
ALKATE-ANDREA

